

Ured za komunikacije

Predmet: Izvještaj o provođenju Zakona o slobodi pristupa informacijama na nivou institucija Bosne i Hercegovine za period 1. 1. – 31. 12. 2025. godine

Centralna banka Bosne i Hercegovine (CBBiH), u periodu od 1. 1. do 31. 12. 2025. godine, zaprimila je 17 formalnih zahtjeva za pristup informacijama i 1 zahtjev kojim se traži odgovor na vijećničko pitanje, koji su rješavani u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23).

Od ukupnog broja pristiglih zahtjeva, osam zahtjeva su uputili fizička lica (pet preko punomoćnika), dva zahtjeva advokati i advokatske kancelarije, jedan zahtjev stalni sudski vještak, dva zahtjeva pravna lica, dva zahtjeva institucije, i po jedan zahtjev su uputili udruženje i univerzitet. Jedan zahtjev, u formi vijećničkog pitanja, uputio je općinski vijećnik.

Svi zahtjevi su riješeni u zakonskom roku.

Podnosiocima zahtjeva su u tri slučaja dostavljene obavijesti da je dostupnost informacija iz sudskih, upravnih i drugih na zakonu osnovanih postupaka utvrđena posebnim propisom, dvije obavijesti o tome da su tražene informacije objavljene na službenoj web-stranici CBBiH i javno dostupne, jedna obavijest da informacija prevazilazi obim primjene Zakona o slobodi pristupa informacijama na nivou institucija BiH, jedna obavijest o ustupanju zahtjeva nadležnoj državnoj instituciji BiH, jedna obavijest da se zahtjev ne smatra zahtjevom u smislu Zakona o slobodi pristupa informacijama na nivou institucija Bosne i Hercegovine, četiri zaključka o odbijanju zbog neposjedovanja informacije, jedan zaključak o odbacivanju zahtjeva zbog propuštanja da se zahtjev ispravi, četiri rješenja kojima je dozvoljen pristup informacijama, te jedan odgovor na vijećničko pitanje.

Tokom 2025. godine upućene su dvije žalbe po dostavljenim aktima.

Najviše zahtjeva odnosilo se na podatke iz Centralnog registra kredita, podatke o računima fizičkih lica, te o javnoj nabavci.

Tabelarni prikaz zahtjeva podnesenih u periodu januar – decembar 2024. godine, u skladu sa Zakonom o slobodi pristupa informacijama na nivou institucija BiH

Status zahtjeva	Broj zahtjeva
Obavijest	9
Rješenje	4
Zaključak	5

